

外科 癰疽 附骨癰 腎癰 腸癰 囊癰 懸癰

癰癰 疔瘡 便毒 下疳 楊梅瘡 疥瘡 癬瘡

瘰癧 癰風 癰風 腫瘡 諸瘡 膏藥 杖瘡

打傷 破傷 湯火 蟲獸 單品雜治 雜方

療病橐籥圖 神仙接命秘訣 通治 絕糧失食 飢餓欲死方

金瘡 齒傷 中毒 骨節 邪祟 五絕 井塚 蟲毒 灸法

後附太乙神鍼法及灸法

壬戌集卷十九

增補醫林狀元壽世保元全集卷九

太醫院吏目金齡雲林龔廷賢子才編 同邑後學周亮登元龍校

外科諸證

癰疽

夫癰疽瘡瘍者皆由氣血不利喜怒不時飲食不節寒暑不調使五臟六腑之氣沸鬱於內以致陰陽乖錯氣血凝滯而發也亦有久服丹石燥熱之藥熱毒結深而發為癰疽也夫此疾多生於膏粱富貴之人以其平昔所食肥膩炙煿安坐不勞嗜慾無節以致虛邪熱毒內攻煎熬氣血而成也癰者壅也大而高起屬乎陽六腑之氣所生也其脈浮數疽者沮也平而內發屬乎陰五臟之氣所成也其脈沈數瘡者其總名也癰者有頭小瘡也經云諸痛痒瘡皆屬心火蓋心主血而行氣若氣血凝滯夾心火之熱而主癰疽之類也然所感有淺深故所發有輕重大小之不同也六腑積熱騰出於外肌肉之間其發暴甚皮腫光軟侵表廣大者癰也五臟風毒積熱攻注於肌肉其發猛惡初生一頭如瘡癰白色焦枯觸之而痛應心者疽也熱發於皮膚之間是以浮腫根小不過二三寸者瘡也夫癰生於六腑若燎原之火外潰肌肉疽生於五臟沈澁難療若陶室之燧肉潰骨髓癰則易療惟難將息而遲疫疽則難療而易痊復夫諸瘡之中惟背疽疔瘡最為急症其次莫如腦疽腸癰喉癰之類亦其急者也至若瘰癧惡疽疔漏諸瘡之類其症可緩而治也又有疥癬癰瘡風疔之類雖云俱屬瘡類而其輕重緩急自有不同也夫癰疽之疾須要察其是實是虛是冷是熱或重或輕對症用藥無失先後次序凡人年四十已上頭頂鬢頭背脊腰脇或肋骨之上所視不見之處稍有瘡癰使不可輕易待之若視之怠慢以為常疾每見從微至顯喪命者多矣便宜速急治之庶幾得救譬之救火初起則易救至於燎原之勢不可撲滅矣其理亦由是也凡瘡未破毒攻臟腑一毫熱藥斷不可用若

已破潰臟腑既虧飲食不進一毫冷藥亦不可用此是先後次第之要訣也夫瘡有五善七惡不可不辨若動息自寧飲食知味一善也便利調勻二善也膿潰腫消色鮮不臭三善也神彩精明語聲清朗四善也體氣和平五善也如煩燥時嗽腹痛渴甚泄利無度小便如淋一惡也膿血大泄焮痛尤甚臭惡難近二惡也喘麤短氣恍惚嗜卧三惡也未潰先黑入陷面青唇黯便污者四惡也肩項不便四肢沉重五惡也不能下食服藥而嘔食不知味六惡也聲嘶色脫唇青黑面目四肢浮腫七惡也更有氣喘瘡寒咳逆身冷自汗無時目眩耳聾恍惚驚悸語言顛倒皆是惡症五善見三則善七惡見四必危五善併至則吉而安七惡全見必危而死矣

審症屬實訣

一凡大按乃痛者病深小按使痛者病淺按之處陷不復者無膿按之處即復者有膿不復者可消若按之都牽強者未有膿也按之半軟者有膿也又手按上下不熱者無膿若熱甚者有膿凡覺有膿急當破之無膿但氣腫若有血漬之慎之不可針破也用諸拔毒之藥敷散四圍堅中軟者此為有膿審也一邊軟亦可有膿都堅者此為惡核或有氣也都軟者此為有血血溜也當審堅軟虛實為要若堅疽積久後若更變熱偏有軟處當軟處切不可針破也軟疽者溫暖裏衣置之若針尖刺破不可療也

雜忌須知

一凡病時忌怒忌疑慮忌身體不潔人來看忌魚羊鷄肉燒酒麪食生冷瓜果醃藏等物瘡口斂百日後不作渴症方可入房

一凡一切癰疽瘡腫毒痛將好未好之時如往有喪之家吊孝并拜望等項其瘡腫即復發切忌切忌

用藥治法

一凡癰疽等項大瘡毒初起一二三日內即服飛騰神駿膏此藥治瘡初起至將潰之際俱可服服後汗出將惡毒盡皆發散腫痛立消其効若神如瘡已潰爛勿服如無神駿膏初起即服槐花酒或千金消毒散二三劑患處即用灸法灸之瘡初出至七日內皆可灸七日外不可灸瘡未及灸初起即以慈靈膏或金蟾膏貼之即消至四五日腫痛未消用芙蓉膏敷之立効敷之至六七日作膿將潰未潰之時不得煩破用替針九頻點瘡頭自然皮破出膿瘡自初起至此膿將出未出之際即服真人活命飲一二劑瀉下膿血其瘡潰爛用猪蹄湯洗淨以三神膏搽之內服千金內托散以托瘡毒出外間服蠟礬丸以護腸膜二藥相兼服之勿間不計其數再看潰爛流膿不止此氣血衰憊脾胃虧損肌肉不生瘡不斂口用猪蹄湯洗淨將生肌散搽上外貼神異膏內服十全大補湯兼進八仙糕久服自愈好後再服加減八味丸可以絕根庶幾再生若平日無瘡時皆預服之尤為防患於未然也以上治法俱要依次第而行未有不奏効者皆予百發百中之良法也

○一論飛龍奪命丹乃外科惡毒第一方也

方見後諸瘡

○一論癰疽發背癰疽鼠瘻等症此專門之方其効捷如奔馬

飛騰神駿膏

麻黃

取二斤去節

杏仁

四兩熱水泡去皮尖用砂礱搗爛又入水同搗澄去濁渣用清汁

防風

去芦四兩

地骨皮

去骨淨四兩

甘草

木鼈子

去殼十

頭髮

一大把溫水洗淨

澄草

一大把

黑鉛塊

右煮膏法不用柴燒用白炭五十斤用

大鐵鍋一口將前藥入鍋內注清水二三桶煮至五六分看藥水濃時藥渣濾起藥水另放缸注又將前渣

入鍋內再入水一二桶又煮至五六分藥汁又注前汁內如前法三次去渣將前二次汁并作一鍋熬至乾

去黑鉛頭髮燈草三味不出其味香紙礱確收貯五年不壞惡病每服三錢好熱酒調膏臨臥服厚被蓋出

大汗為度徐徐去被不可被風吹次早用猪蹄煨以汗後恐致虛人以此補之以復元氣好酒調服隨入酒

量以醉為度汗出立愈此治瘡毒初起至潰破時前後皆可服神効

○一論凡人初覺患癰疽發背已結未結赤熱腫痛即用炙法先以濕紙覆其上立視後具紙先乾處即是結疽頭處取大蒜去皮橫切三文錢厚安在頭上用大艾炷於蒜上灸之三次換一蒜片復灸痛者灸至不痛不痛灸至痛方住最要覺灸為上方發一二日者十灸十愈三四日者六七愈五六日者三四愈過七日則不可灸矣若有十數頭一處生者用大蒜搗成膏作餅子鋪瘡頭上聚艾燒之亦可若背上初發赤腫內有一粒黃如粟米者即用獨蒜切片如前法灸之次日去如膿自潰矣

○一論尺癰疽發背一切無名腫毒初起

葱蜜膏 生葱生蜜豬膽一箇傾石鉢內共搗成餅貼患處日換三四次即消

金蟾膏 治疔同前 生白礬末五錢加麝香一分取活蝦蟆一箇去腸肚同搗爛如泥四圍留頂出氣不過

一夜即愈

○一論發背及一切片腫毒不問已成未成俱瘰癧痛者

槐花酒 槐花四五兩炒黃桑熟入酒二盞煎十餘沸去渣熱服其毒即消神効

○一論癰疽發背無名腫毒疼痛醫所不識初起壯盛人宜 黑白牽牛各一兩搥碎好酒一碗煎八分露一

宿次日溫服大便秘下膿血即愈

○一論初起一切惡毒腫痛癰疽疔腫魚口五發癰疽初覺一二日便如傷寒頭痛煩渴拘急惡寒肢休疼痛四肢沈重恍惚悶亂坐臥不安皮膚壯熱大便秘結小便赤澀等症並治妊娠勿服

千金消毒散 連翹二錢 黃芩一錢 當歸尾一錢 金銀花五錢 皂角刺一錢 赤芍一錢 天花粉一錢 牡蠣一錢

防風錢 大黃錢 芒硝錢 麻黃錢 右剉一劑酒水各半煎服

○一論癰癤便毒疔腫癰疽初起即消已腫即潰血從大便中出瘡潰後勿服

加減真人活命飲

又名千金內消散

當歸尾酒洗

赤芍錢

白芷錢

木龍子去壳

川山甲三錢

炒

金銀花三錢

乳香一錢

殭蠶錢

瓜蒌仁去壳

天花粉錢

皂角刺錢

沒藥分

大黃錢

甘草

節

右剉一劑水酒煎服

○一論癰疽發背腫痛如錐刺不可忍者登時痛止

芙蓉膏

芙蓉葉

黃荊子各等分

未潰之先或將潰之際

右二味入石臼內搗極爛用雞子清調敷患處留頂如烟起此方用在

○一治癰疽發背已潰爛者

三神膏

單麻子仁合

陳醋一大碗

鹽一

右三味置鍋中用槐條攪成膏先將猪蹄湯洗淨或未汨水洗

淨用雞翎續掃上其皮即脫其肉即生

○一論諸瘡惡毒發背癰疽痛不可忍者此藥能衛護內膜驅解諸毒自然內消

加味蠟礬丸

黃蠟兩

枯白礬乳香

沒藥錢

雄黃錢

右為細末用蠟鎔化為丸朱砂為衣如梧

子大每服五十九粒視瘡上下蜜水送下

○一論癰疽瘡痛皆由氣血凝滯風毒壅結此藥發散外邪流行氣血排膿止痛生肌長肉之劑當用於五六

日間已潰未潰而作痛者宜服之

加味千金內托散

黃芪鹽水

人參

當歸酒洗

川芎

白芍酒炒

白芷

防風

川厚朴姜炒

桔梗官

桂 瓜蒌仁殼

金銀花

甘草節

右剉每服一兩水煎入好酒半盞去渣溫服日進二三服之後瘡口

有黑血出者及有汗出此藥之功也不問症候猛惡未成者自散已成者即潰矣○痛甚加乳香沒藥倍當

歸芍藥

○一論癰疽潰後須當大補氣血和脾胃托毒外出實為切要凡膿血出多陰陽兩虛此藥有回生起死之功但不分經絡不載時令醫者當觸類而長之可也或見腫平痛寬遂以為安漫不知省無補接調養之功愈後虛症復見因而轉為他病而危劇者多矣

收功萬全

黃芪蜜水炒二錢五分

人參一錢

白朮去芦炒一錢

白茯苓去皮一錢

當歸身一錢五分

川芎七分

白芍酒炒七分

懷熟地黃錢一

官桂三分

白芷三分

陳皮五分

甘草三分

防風五分

右到一劑生薑一片水煎溫服

○如作渴加麥門冬五味子○如煩燥加生地黃麥門冬○如有痰加薑製半夏○如泄瀉加厚朴姜炒○如小便不和加澤瀉○如怔忡不寐加遠志酸棗仁炒○胸膈不寬加厚朴姜炒渣肉○右方治癰疽發背諸瘡毒潰膿後毒氣已盡氣血虛弱不長肌物不合口膿清欲作餘症宜之

○一論患癰疽發背出膿後脾胃虧損不思飲食或嘔吐泄瀉四肢沈困無力

八仙糕

人參去芦四兩

茯苓去皮四兩

乾山藥四兩

茯苓去皮四兩

蓮肉四兩

不油白朮去芦米泔浸過一宿切片微炒四兩

白糖霜一

白粳米二升水淘淨磨極細末

右將藥末米粉糖霜和一處揉揉極勻篩放籠內竹刀劃成小片蒸熟入鍋再焙乾任意食之

欽瘡止痛生肌散

宮粉大瓶黃一錢

黃柏一錢

黃連

乳香

沒藥

孩兒茶各五

右為末搽瘡上并治下

黃水熱泡等瘡

○一論癰疽發背潰爛便要此湯盪洗

猪蹄湯

當歸

赤芍

白芷

羌活

露蜂房

生甘草各五

○一方向黃芩

○右細剉看瘡大小用藥如

瘡大加料用之先將積猪前蹄兩隻一斤只用白水三升煮軟將汁分為兩次撒去上面油花并下面渣肉

每次用藥一兩投於汁中再用文武火煎十數沸去渣以故紙醃藥湯溫溫徐徐薄貼瘡上死肉惡血隨洗而下洗淨訖以布帛拭乾貼膏藥仍避風忌人口氣吹之有却臭人并月經見行婦人及猫犬并不許入病人房內洗瘡切不以手觸著

○一論一切惡瘡癰疽發背等症此藥能追毒去死肉有膿無頭用此點頭自然皮破出膿

替針丸

人言為未入鍋內上蓋明鑿燒不響為度一錢

硝砂分五

巴豆粒十

乳香分三

沒藥分三

白雄丁香分六

右為細末麪

糊為丸如豆大用時以溫水磨化頻點瘡頭上神効

替針散

用木鼈子川烏二味磨水以雞翎蘸掃瘡上留口大一處出膿如藥水乾再刷上不一時即

穿

○一論治癰疽發背發項發腦等毒不拘已潰未潰俱用此敷貼如腫毒未潰通敷自消如已潰將此敷周圍腫散之處其破口處以神異膏貼之每日換兩三次不許見風神効

二合消毒散

文蛤提煉炒黑色為末三兩六錢

輕粉研三錢

黃柏去皮蜜炙為末二兩

實水石煅為末一兩

右未合為一處用新

凉水一半蜂蜜一半調合不稀不稠如瘡毒尚未開將腫處遍敷之用綿紙覆於上但乾即以水掃之朝夕更換二次如夏月或午時再換一次亦可若已破將此藥敷於周圍掀腫處正有膿破口處用神異膏滿貼

之不必留口亦一日三換

○一論癰疽發背潰爛又不生肌肉用此立効但此方用之不可太早

合口收功散

血竭錢一

乳香

沒藥

輕粉

龍骨各一錢五分

赤石脂二錢

硃砂

海螵蛸各五錢

右共為

細末散在瘡口上即生肌肉

○一論癰疽發背諸瘡毒不拘已成已潰未潰者皆可用之瘡毒甚者每日換兩三次中毒換一次其藥力方

能勝毒諸瘡潰膿後不長肌肉不合口者神効

神異膏 歸尾錢五 川芎錢五 赤芍錢二 生地黃錢四 防風錢五 羌活錢五 白芷錢五 玄參錢五 黃芪錢五 官

桂枝錢三 桃仁錢四 杏仁錢四 木鼈錢十四 何首烏錢三 牛子錢五 川山甲錢四 蜂房錢三 蛇退錢二

大黃錢二 黃柏錢二 亂髮買者一團如雞子大 槐柳皮每長一寸 右用芝麻油三斤四兩將藥入鍋內浸春五夏

三秋七冬十日以桑柴文武火煎油黑色以穿山甲浮起黑為度傾濾去渣再煎油滴水成珠陸續下黃丹

十四兩柳條攪不住手成膏軟硬得所再下乳香沒藥各三錢風蝎三錢降真香末三錢次冷定下射香末

二錢水浸二三日去火性攤用

○一論癰疽瘡瘍瘰癧後及將痊口乾渴甚舌或生黃及未患先渴此腎水枯竭不能上潤以致心火上炎水火

不能既濟故心煩躁作渴小便頻數或白濁陽痿飲食不多肌膚漸削或腿腫脚先瘦服此以生腎水降心

火諸症頓止及治口舌生瘡不絕

加減八味丸 懷生地黃半斤好酒入砂鍋內蒸半日搗膏 山藥兩 桂心去皮五錢 石棗淨肉四兩酒蒸搗膏 澤瀉切片蒸 白茯苓五錢 連五味子五錢 牡丹皮五錢 右為末入石膏加煉蜜少許丸如梧子大每服六七十丸空心

鹽湯送下

○一凡人久服加減八味丸必肥健而多子晚年服此不生癰疽諸毒不患消渴等症

○一患癰疽之人雖云有熱皆因痛而得之愈後發渴及先渴而後癰疽非八味丸不能治

○一人病癰疽多有愈後發渴而不救者治之惟八味丸最効癰疽安而渴者服此則渴止癰疽安而未渴者預服

此丸則永止渴氣血壯盛或未疽而先發渴服此不惟渴止疽亦不作

○一人平日口乾作渴因飲酒食炙燥補劑房勞凡若此類過多致令腎水枯渴不能上制心火故有此症後

必有疽發也宜先服八味丸以絕其源及癰疽後服此尤有益也

○一論癰疽發背諸瘡出膿潰爛日久不愈飲食少思身體倦怠口舌乾燥或寒熱往來驚悸少睡以補中益氣湯去柴胡加蒼木麥門冬神曲五味黃柏少睡加炒酸棗仁瘡肉生遲加白薇一錢玉桂五分如膿多或清倍加參芪歸木

○一加味十全大補湯治癰疽潰後補氣血進飲食實為切要凡膿血出多陰陽兩虛此藥有回生起死之功但不分經絡不載時令觸類而長之可也或見腫平痛寬逆以為安漫不知省無補接調養之功愈後虛症復見因而轉為他病而危劇者多矣

附骨疽

丹溪曰附骨疽者皆因久得厚味及勞役與酒後涉水得此陽滯於陰之症也又曰環跳空痛不止生附骨疽以蒼木為君佐以黃柏之辛行以青皮之多加桂枝夏加條芩體虛者加杜仲牛膝以生甘草為佐作大料煎入姜汁食前飲之痛甚者恐前藥十數劑發不動少加麻黃一二劑又不動者恐疽將成急掘地坑以大煆坑通紅沃以小便令患者赤體坐於坑中以葦或綿衣圍抱下體使熱氣薰蒸膝理開氣血通暢而愈

○一論瘡生腿外側或因寒濕得附骨疽於足少陽經分微侵足陽明經堅破漫腫行步作痛或不能行

內托黃芪湯 柴胡 連翹 玉桂 大力子 黃芪 當歸尾 黃柏 升麻 白芷 甘草各八分 右劉

○一劑水酒各一盞煎至一盞食前溫服

○一治附骨疽 黃連消毒飲 黃連 羌活各一錢 黃柏 藁本 防己 桔梗 歸尾各五 生地黃 知母 獨活 防

風 連翹各四分 黃芪 人參 甘草 陳皮 蘇木 澤瀉各二 右十九味切作一劑水煎服一老人

年七十因寒濕地氣得附骨疽於左腿外側少陽膽經之分微侵足陽明經分潤六七寸長一小尺緊硬漫腫不辨肉色皮澤但行步作痛以指按至骨大痛與此藥一服即止次日堅軟腫消而愈

○一論頑瘡惡毒年久不愈多有附骨在內先用貝母膿意湯洗淨刮去腐肉用刀撥去附骨或用蠅螂腦子五上箇搗爛敷上其骨即出然後用人言五厘研細末入黃銅燈盞內用好醋一小盅慢火熬乾收起過三日即生出銅線來研極細用雞翎蘸藥掃瘡上即痛出水腐肉去淨然後用後藥

珍珠象牙膏 楚黃寶江傳 珍珠用豆腐一塊切兩片將珠鑽在內兩片合 象牙鑽一 天花粉分五

官粉末一 白蠟錢一 香油錢五 右共合一處入碗內重湯煮化澄成膏紙攤貼患處神効

○一治諸瘡大疼痛不辨肉色漫腫光色名曰附骨癰又治瘡口久不合酒調服燒灰存性

三生散 露蜂房 蛇蛻 亂髮洗淨各等分 右三味燒灰存性研末酒調服一錢七分

臂癰

丹溪曰臂癰者臂居小腹之後在下此陰中之陰道遠位僻雖曰太陽多血氣氣運不到血亦罕來中年後尤慮患此纏有腫痛參之脈症但見虛弱便與滋補血氣可保終吉若無滋補之功其禍多在結痂之後或半年以來乃病多致失手慎之慎之

○一論足太陽經中左右尺脈俱緊按之無力尻臂生癰堅軟腫痛大作

內托羌活湯 羌活 黃柏酒炒各二錢 防風 藁本 歸尾各二錢 黃芪一錢五分 蒼朮末酒浸 連翹 陳皮

甘草錢各五分 玉桂分三 右剉一劑酒水同煎空心溫服以衣覆蓋患處便藥力常行不可去衣

腸癰

丹溪曰腸癰常作濕熱積治入風難治

千金謂腸癰妄治必殺人其病小腹重強按之則痛小便如淋時時汗出後惡寒身皮甲錯肚腹緊急如腫之狀脈數者微有膿也巢云洪數已有膿脈若遲緊者未有膿甚者腹脹大轉側有水聲或透臍生瘡或膿自臍出或大便膿血急服蠟蜜丸酒下兼進後方

○一論腸癰便毒癰疽初起即消已腫即潰血隨大便中出宜

千金內托散

方見癰疽即加減真人活命散

○一論肚內生癰及癰疽惡毒宜

內消沃雪湯 當歸身 白芍 黃芪 甘草節 射干 連翹 香白芷 貝母 陳皮 皂角刺 乳香

沒藥 穿山甲 天花粉 金銀花 木香 青皮 甚者加大黃 右剉酒水煎服秘方是世所奇授之

如神

○一論腸癰脹痛不安或腹滿不食小便赤婦人產後虛熱多有此疾但疑感間便不服服亦無害視其右關

脈乳者是也 薏苡仁 兩 牡丹皮 兩 瓜蒌仁 兩 右剉一兩水煎 一方加川芎桃仁

○一婦人腹痛如錐刺每痛至死不敢著手六脈洪數此腸癰毒也用 川山甲 炒 白芷 貝母 殭蚕

大黃 右剉一大劑水煎服打下膿血自小便中出即愈後再無患宜少食煎炒熟物

○一治癰日久潰爛出膿腹內刺痛不可忍者 用針打一尺長三稜針將鴨腸一條貫針在內將鴨腸曲轉

輕輕送入裏門內送到痛處方是瘡癰之處即將鴨腸拉動針尖出刺破其毒膿隨針而出用手重按痛處

膿出盡而愈此仙傳秘法也

壹癰

丹溪曰壹癰者濕熱下注也有作膿者此濁氣順下將流入尿道因陰道或虧水道不利而然膿盡自安不藥

可也惟在善於調攝耳又有因腹腫漸流入囊腫甚而囊自裂開要丸懸掛水出以輔炭末敷之外以紫蘇葉包裹仰臥養之

○一論癰疽入囊者曾治數人悉由濕熱入肝經處治而用補陰藥佐之雖膿潰皮脫要丸懸者皆不死

○一方用野紫蘇葉面青背紅是也焙乾為末敷之如燥者以香油調敷實無皮者外以青筠葉包之其皮自生

懸癰

○一論懸癰此瘡生穀道外腎之間初發其痒狀如松子四十日赤腫如松治遲則破而大小便皆從此出不可治矣

國老湯 用橫紋大甘草一兩截長三寸許取出山澗中流水一碗不用井水河水以甘草煎水文武火慢炙不可性急須用三時久水盡為度劈視草中潤透却以無灰酒二碗煮至一碗溫服一日一服半月消盡為度

將軍散 大黃煨 貝母 白芷 甘草節 右為末酒調空心服 虛弱加當歸一半

○一論肝經濕熱玉莖患瘡或便毒懸癰瘻癰腫痛或潰爛作痛小便澀滯或要囊掛

龍膽瀉肝湯 龍膽草酒拌 澤瀉各一錢 車前子炒 木通 生地黄炒 當歸尾洗 山梔炒 黃芩炒

甘草 右剉一劑水煎空心服

瘰癧

瘰癧屬血氣痰熱必起於少陽一經不守禁忌延及陽明大抵食味之厚鬱氣之積曰風曰熱皆此二端扼引變換須分虛實實者易治虛者可慮此其胆經主決斷有相火且氣多血少婦人見此其月經如期不作寒

熱者易治積久轉為潮熱危矣自非斷慾食淡神仙不治也

○一論瘰癧者經所謂結核是也或有耳前後連及頤頷下連缺盆皆為瘰癧或在胸前及胸之側下連兩脇皆為馬刀半足少陽主之獨形而小者為結核續數連結者為瘰癧形長如蛇者為馬刀也

○一論連項起核名曰蟠蛇癰延及胸前連腋者名曰瓜藤癰左耳根腫核者名曰患袋癰右耳根腫核者名曰蜂窩癰

○一論瘰癧馬刀生耳前後或項下胸腋間累累如珠者未破已破皆治

消毒化堅湯 當歸_{錢一} 白芍_{錢六} 黃芪_{錢一} 玄參_{錢六} 天花粉_{錢六} 連翹_{錢一} 柴胡_{錢一} 黃芩_{錢五} 牛子_{錢七}

龍胆草_{錢四} 升麻_{錢七} 桔梗_{錢一} 陳皮_{錢八} 羌活_{錢七} 薄荷_{錢四} 海昆布_{錢七} 甘草_{錢四} 右剉一劑生

薑煎服○一方加甘草節知母貝母海藻更佳

升陽調經丸 升麻_{錢八} 葛根_{錢五} 芍藥_{錢二} 連翹_{錢五} 黃連_{錢五} 黃芩_{錢五} 生黃芩_{錢四} 黃柏_{錢五}

桔梗_{錢五} 歸尾_{錢二} 三苓_{錢三} 義術_{錢五} 胆草_{錢五} 枯草_{錢五} 甘草_{錢五} 右藥秤一半另研為末

煉蜜為丸如菜豆大每服一百二十丸白湯下一半作明片每服五錢水煎服半月即痊

○一論久患瘰癧流注以致血氣兩虛懷抱抑鬱飲食少思或四肢患腫肉色不變或曰哺發熱或潰而不斂

久不愈者

益氣養榮湯 黃芪_{錢五} 人參_{錢五} 白朮_{錢五} 當歸_{錢五} 川芎_{錢五} 白芍_{錢五} 懷生地黃_{錢五} 陳皮_{錢五} 香附_{錢五}

貝母_{錢一} 柴胡_{錢一} 地骨皮_{錢一} 桔梗_{錢一} 甘草_{錢五} 右剉一劑水煎食後服○如有痰加橘紅○如脇下刺

痛加青皮或木香○如午後有熱或頭微汗加黃柏炒○如膿水清倍人參黃芪當歸○如女人右鬱氣胸

膈不利倍香附貝母○如月經不調加牡丹皮當歸

○一論瘰癧兼諸瘡皆治

抑氣內消散 當歸 川芎 白芍炒 白木炆 青皮 白芷 半夏炒 陳皮 桔梗 羌活 獨活

厚朴燬 防風 黃芩 烏藥 香附 檳榔各一 蘇子一兩 沉香三錢 木香 人參 粉草各五錢

右剉水煎溫服十餘服即消若再發照分兩藥為末酒糊為丸如梧子大每服五十丸酒送下

○一論瘰癧未破在左為瘰癧宜

內消調經散 山東李西嶺傳 升麻 葛根 龍胆草 黃連 桔梗 連翹 黃芩 黃柏 莢木 三

苓 甘草各五 當歸尾 白芍各三 右剉水煎服 稍虛加夏枯草 有痰加天花粉知母各五分

少陽加柴胡四分

○一論在右為馬刀瘡未破宜

柴胡通經湯 柴胡 連翹 歸尾 甘草 黃芩 鼠尾 三苓 桔梗各二 黃連 紅花 右剉一

剉水煎熱服

○一論瘰癧已破者

補中勝毒湯 黃芪錢 人參分三 甘草分五 當歸 生地黃 熟地黃 白芍各三 陳皮分三 升麻 柴

胡各五 連翹錢一 防風分五 右剉水煎熱服

○一治瘰癧并頸頂結核或腫或痛宜夏枯草水煎食後頓服 ○一方用夏枯草一把水煎三次去渣熬成膏

貼患處立消

○一治瘰癧元氣無虧用此以去之若瘰癧去而不收飲服前益氣養榮湯若元氣怯弱宜先補後服瘰癧毒已

後仍服前湯矣無他疾此方治瘰癧未成者消已潰者須元氣壯者可服

必効散 南礪砂二錢

輕粉一錢 射香五分

巴豆五箇去

白橫榔一箇

斑貓四十粒去頭足用

右研極

細末取雞子二箇去黃用清調藥仍入壳內以濕紙數重糊口入飯甑蒸熟取出曝乾為末每服五分用炒生薑酒五更初調服如覺小腹痛用益元散一服其毒俱從大便出

○一治遠年氣癰瘡神方

千槌綠雲膏

松香半斤 乳香一錢

沒藥二錢

血竭一錢

銅絲二錢

杏仁去皮

孩兒茶三分

草麻子去壳

麻油二兩 乳汁一盞

右為細末合作一處同乳汁油攪勻搥搗於下成膏用絹上藥貼患處

○一婦人患瘰癧久而不愈或以為木旺之症不宜於春預用散腫潰堅湯腫硬益甚余以為肝經虧損用六味丸補中益氣湯牽春而愈此症若肝經風火自病元氣無虧可用散堅瀉膏之劑若金來尅木須補脾土生腎水若行攻伐則脾胃傷而反致水尅土矣

○一婦人項核腫痛察其氣血虛實先以必効散一服去之更以益氣養榮湯三十餘劑補之而消蓋此症初起而血氣虛弱者先用益氣養榮湯待其氣血稍充乃用必効散以去其毒仍用補藥無不奏効若已成膿者即針補而托之氣血復而核不消者服散堅之劑倘不應而氣血如故仍以必効散養榮湯又不應灸肘火肩髃二穴用千槌綠雲膏自愈若氣血壯實不用追蝕亦能自腐用藥以腐之者便易於收斂耳若血虛而用追蝕不惟無益適以取敗凡不慎飲食七情者不治

疔瘡

夫疔瘡者由四時迭更陰陽交變此三氣互相激怒必成暴氣然暴氣立然大風大霧大寒大熱若不能避而遇襲於皮膚入於四體傳注經絡遂使腠理結滿陰陽二氣不得宣通遂成疔毒但疔毒之名有十三種必發於手足間生黃泡其中或紫色有一帶紅線道直入者用針於線處刺去毒血水針時以知痛出血為妙

否則紅線入腹攻心必致危困凡治疔毒先以麝香水飲之吐則是不吐則非也大抵脈洪而數者難愈也

○一治疔瘡惡毒神効

飛龍奪命丹

方見諸瘡

○一治疔腫及無名瘡毒搗頭去白水以蔥毒搗神効

○一治無名腫毒疔瘡手指無故生蛇頭指腫痛不可忍有紅筋入心者 蜈蚣條 歸尾錢 雄黃錢 土

赤芍錢 白芷稍錢 右剉為末頭生酒煨服神効

○一論一切惡毒疔瘡諸般無名腫毒及四時傷風傷寒增寒壯熱無汗初覺者

趙府小靈丹 乳香 沒藥 輕粉 血竭 硃砂 川烏尖 草烏尖 細辛 巴豆霜 蟾酥 麝香

右為細末糯米糊為丸如黃米大雄黃為衣每服十三丸小兒五七丸用葱白三根劈開入丸在內細嚼好

酒送下以被蓋出汗避風婦人有孕不可服

○一論一切疔瘡惡毒腫痛神方

類聖散 川烏 草烏 蒼朮 細辛 白芷 薄荷 防風 甘草

○一凡患疔瘡癰疽癰毒此藥能令內消去毒化為黑水從小便出藥無一失不可輕視 知母 貝母 白

芩 半夏 天花粉 皂角刺 金銀花 川山甲 炒 乳香 各一 右剉一劑用無灰酒一碗煎至半碗

去渣只作一服溫服不得加減再將渣搗爛加秋過美蓉葉一兩搗爛用蜜調井花水和敷瘡口上如乾再

用蜜水潤濕過一宿自然消不必用第二服藥也忌發物

○一人脚面生疔形雖如粟其毒甚大宜峻利之藥攻之因其怯弱以隔蒜灸五十餘壯痒遂止再灸片時乃

知痛更用膏藥封貼再以人參敗毒散漸愈夫至陰之下道遠位僻耳怯弱之人用峻利之劑則藥力未到